

Dumahîk : 50î saliya.....

pirsa program û xêza siyasî , pirsê em çî dixwazin û berê me li kû ye? zordariya girtinan û jiyana di girtîgeh û zîndanên de , rola têklyan bi siyasatvan û kurdên kurdistanê Turkiyê , Îraq û Îranê re , şeweyên kar û xebatê û şopandina jiyana hundir rêxistinê û vebrajtina kadroyan , tunebûn û xizaniya jêderên diraviya partiyê ...hwd.

Divê bête gotin ku ev reng babet , mijar û pirsên weha bi hewcey rawestî û lêkolînên zanistî ne , çiyê wê ne ev sergotara ye .

Eve pêncî salin kar û barê rêxistinê , siyasî û rewşenbîrî , di nav gelê kurd de li Sûriyê , di heyameke pir dijwar û awarte de digere , û roj bi roj, xelkê kurd berê xwe dide tevgra xwe ya netewî ya demokrat , bihêviya ku , zor û setemkarî ji ser rabe , hebûna wî di destûra Sûriyê de bête pejirandin , rê li ber bikaranîna zimanê kurdî di dibistan û zanîngehan de vebe , bi Aştî , Azadî, Wekhevî, û bi Rûmet bijî.

Di vê pêvajoyê de , ji gelek ve , ji xêrxwaz û xêrnexwazan ve , baş dixuye ku , siyasat û çalakiyên Parta Yekîtiya Demokrat a Kurd li Sûriyê di nav gel û tevgera kurd de , bi erênî çiyê xwe girtiye , û her diçe şax û rêçên xwe di gund û bajaran de cî digrin , û di raya giştî ya Sûrî de jî , bi rêz û hurmet tete nasîn , li zimanê dê

bûye xwedî, li pêdiviya danheva tevgera kurd bi dilsozî xebitiye û her dê bixebite, li beramber siyaseta şoven û setemkar bi erkên xwe rabûye û her dê rabe , herdem xebitiye ku rê li ber keysebazî û bazirganiya bi diruşmên netewî – kurdistanî û partîtiya teng bigre , û bide zelalkirin ku pirsê kurd li Sûriyê xwedî taybetmendiyek berçav û aşkere ye , û çaraserkirina vê pirsê me ya dadmend , tenê di peydakirina heyameke demokratîk û mirovane de , serê xwe dibîne . Lewre jî , di 1957-an de gava ku yekemîn partî dihate avakirin , peyva demokratî di navenda wê de bû , û pêwîste em bi bîra xwe bînin ku , wê hîngê peyva demokrasîyê di edebiyat û jiyana siyasî a Sûrî de , kesî bi hesanî nikarî bû , anjî pê nebawer bû ku bikar bîne , ji ber ku , çanda serdest , çanda partiyên wê hîngê , mîna parta Be,îs , komonîst , Îxwan mislimîn , Nasirî û Qewmî Sûrî bû û hew.

Vêca, pir hêja û ji mafê me kurda ye ku , em jî li Sûriyê , li doza demokrasîyê xwedî derkevin , parta me jî ligel partiyên dî yê tevgera kurd , bi rêz û hurmet li pêncî saliya damezrandina yekemîn rêxistina siyasî a kurd , bibe xwedî , kumê xwe jê re deyne û bejna xwe ji vê bîranînê re bitewîne.

Azadî ji girtiyên siyasî û xebatkarên gelê me yê Kurd re yê di girtîgehên Sûriyê de